




ՎԵՀԱՓԱՌ ՀԱՅՐԱՊԵՏԸ ՄՈՍԿՎԱՅՈՒՄ

Ժամանում Մոսկվա

Փետրվար 15-ին, երկուշաբթի, Վեհափառ Հայրապետը, երեք և կես ժամվա հանգիստ և ապահով թոնդրից հետո, ժամը 5-ին, իր շքախմբով ժամանում է Մոսկվայի Շերեմետյի միջազգային օդանավակայանը, ուր դիմավորվում է Ս. Պարզև եպիսկոպոսի գլխավորությամբ Մոսկվայի հայոց Ս. Հարություն եկեղեցու եկեղեցական խորհրդի անդամների և հավատացյալների կողմից: Ամենայն Հայոց Վեհափառ Հայրապետին դիմավորում է նաև Մոսկվայում եթովպական դեսպան նորին գերազանցություն Միֆայել էմբուս, իր հարգելի տիկնոջ հետ:

Հանուն ՍՍՌՄ Մինիստրների սովետին առընթեր կրոնական պաշտամունքների խորհրդի նախագահի, Ամենայն Հայոց Հայրապետին ողջունում են խորհրդի անդամներ Ռժանովը և Սոլովյովը:

Նորին Ս. Օծությունը իր շքախմբով առաջնորդվում է «Լենինգրադսկայա» հյուրանոցը:

Փետրվարի 16-ին, երեքշաբթի, երեկոյան ժամը 7-ին, «Լենինգրադսկայա» հյուրանոցում, Վեհափառ Հայրապետին է այցելում Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ Կ. Դալլաֆյանը:

Փետրվարի 17-ին, չորեքշաբթի, առավոտյան ժամը 12-ին, Վեհափառ Հայրապետը իր շքախմբով այցելում է ՍՍՌՄ Մինիստրների սովետին առընթեր կրոնական պաշտամունքների խորհրդի նախագահ Ա. Պուզինին, որը բարի գալստյան ընդունելություն է կազմա-

կերպում ի պատիվ Ամենայն Հայոց Հայրապետի:

Հարգունելությանը, որն անցնում է ջերմ մթնոլորտում, ներկա է լինում նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ Կ. Դալլաֆյանը:

Փետրվարի 19-ին, ուրբաթ, համալիցորեի ժամը 3-ին, «Լենինգրադսկայա» հյուրանոցում, Մոսկվայի հայոց հոգևոր հովիվ Ս. Պարզև եպիսկոպոս Գևորգյանը և եկեղեցական վարչությունը, ի պատիվ Վեհափառ Հայրապետի, կազմակերպում են ճաշկերույթ:

Ընդունելության ներկա են լինում ՍՍՌՄ Մինիստրների սովետին առընթեր կրոնական պաշտամունքների խորհրդի նախագահ Ա. Պուզինը, տեղակալ Ռյազանովը, խորհրդի անդամներ Ռժանովը և Սոլովյովը:

Ճաշկերույթին ներկա է լինում նաև Հայկական ՍՍՌ Մինիստրների սովետին առընտեր Հայ Եկեղեցու գործերի խորհրդի նախագահ Կ. Դալլաֆյանը:

Ճաշկերույթի ընթացքում, որն անցնում է ջերմ և խանդավառ մթնոլորտում, Ամենայն Հայոց Վեհափառ Հայրապետը, Ա. Պուզինը և Կ. Դալլաֆյանը ողջունելի և բարի գալստյան ճառեր են փոխանակում:

Վեհափառ Հայրապետի վերադարձը Մայր Աթոռ

Փետրվարի 20-ին, շաբաթ, առավոտյան ժամը 1-ին, Վեհափառ Հայրապետը, շուրջ

մեկ ու կես ամսվա բացակայությունից հետո, վերադառնում է Մայր Աթոռ Ս. Էջմիածին, իր շքախմբի հետ:

Երևանի օդանավակայանում, Նորին Ս. Օծուխյան ջերմորեն դիմավորում են Մայր Աթոռի միաբանությունը, Գերագույն հոգևոր խորհրդի և Վերստուգիչ հանձնաժողովի անդամները, Հոգևոր Ճեմարանի դասախոսական կազմը, Մայր Աթոռի պաշտոնեությունը, ներքին թեմերի առաջնորդները, թեմական և եկեղեցական խորհուրդների անդամներ, քահանայից դասը և հավատացյալների հոծ բազմություն:

Ամենայն Հայոց Վեհափառ Հայրապետին դիմավորում է նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահի տեղակալ Ս. Հովնանիսյանը:

Ողջույնի, բարի գալստյան խոսքերից և աջահամբույրից հետո, Վեհափառ Հայրապետը հանդիսավորապես առաջնորդվում է Մայր Աթոռ, օրհնելով բոլոր ներկաներին:

Մայրավանքի արևելյան մեծ դարբասի առաջ, եկեղեցական թափորով, ամպհովանու տակ, Նորին Ս. Օծուխյանը առաջնորդվում է Մայր Տաճար, ուր լուսարարապետ Տ. Աստղիկ սրբազանը, հանուն միաբանության և բոլոր ներկաների, սրտագին բարի գալուստ է մաղթում:

Վեհափառ Հայրապետը իր պատասխան խոսքում ողջունում է բոլորին և համառոտակի խոսում արտասահմանում կատարած իր այցելության և ուղևորության մասին, հաղորդելով միաժամանակ Սփյուռքի հայու-

թյան ողջույնները Մայր Աթոռի միաբանության և Մայր Հայրենիքի հայ ժողովրդին:

Նորին Ս. Օծուխյան «Պահպանիչ»-ով ավարտվում է օրվա հանդիսությունը:

Բարի գալուստ մեր սիրելի Վեհափառ Հայրապետին:

Հայկական ՍՍՌ Գերագույն սովետի

նախագահության նախագահ

Ն. Հարությունյանը ընդունում է

Ամենայն Հայոց Վեհափառ Հայրապետին

Փետրվարի 24-ին, չորեքշաբթի, առավոտյան ժամը 12-ին, Հայկական ՍՍՌ Գերագույն սովետի նախագահության նախագահ Ն. Հարությունյանը ընդունում է Ամենայն Հայոց Վեհափառ Հայրապետին, նախագահության պալատում:

Նորին Ս. Օծուխյան ուղեկցում էին Նրա շքախմբի անդամներ Տ. Կոմիտաս եպիսկոպոս Տեր-Ստեփանյանը, Տ. Արսեն վարդապետ Բերբերյանը և «Էջմիածին» ամսագրի խմբագիր Ա. Հատիտյանը:

Ընդունելությանը ներկա էր նաև Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ Ի. Դավաճյանը:

Զրույցի ժամանակ, որն անցնում է բացառիկ ջերմ մթնոլորտում, Վեհափառ Հայրապետը Հայկական ՍՍՌ Գերագույն սովետի նախագահության նախագահ Ն. Հարությունյանին հաղորդում է Սփյուռքի հայության եղբայրական ողջույններն ու սրտագին բարեմաղթությունները՝ Մայր Հայրենիքի և հայ ժողովրդի բարօրության և նորանոր հաջողությունների համար:

